



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Appendix. De Citatione Legum.

urn:nbn:de:hbz:466:1-42634

transgressio videretur esse majus peccatum. Vide dicta à n. 598.

De citatione Legum.

Post Tractatum de legibus convenit designare libros, quibus continentur leges; item modum, quo libri illi & leges citantur. Libri, quibus continentur leges, præter S. Scripturam, præcipue sunt Corpus Juris Canonici & Corpus Juris Civilis: de utroque do magis necessaria scitu.

§. I. Per Jus Canonicum intelliguntur Leges sive Regulæ rectè vivendi (nam *νόμος* idem est quod Regula) à summis Pontificibus vel Conciliis constitutæ aut approbatæ; aliter vocatur Jus Pontificium, Sacrum, & quandoque, sed latè, Divinum, uti habetur c. *cùm de diversis*, 2. de privileg. in 6. Et specificè, Canon, est lex edita à Concilio generali: *Decretum* est Constitutio edita à Papa non consulto: *Epistola decretalis* est Constitutio rescripta à Papa consulto: *Dogma* est Constitutio doctrinalis circa fidem: *Mandatum*, Constitutio circa mores: *Interdictum* Constitutio prohibens, siue pœna: *Sanctio* Constitutio prohibens sub pœna, ita *Glos.* in decret. Gratian. dist. 3. v. *Omnes*. Jus Canonicum universim habet sex partes.

Partis I. est decretum *Gratiani*, idest, varia dicta Pontificum, SS. PP. & Conciliorum collecta à *Gratiano* Monacho Benedictino circa annum 1151. In hac parte *Gratianus* multa addidit de suo, vel ex legibus civilibus, quæ non habent auctoritatem, nisi illam, quam conciliant eorum Auctores, uti rectè *Suar.* de leg. l. 4. c. 5. n. 7. Vide etiam *Valens* in prohus. ad conc. Juris Pontif. & *Phœb.* in proœm. §. 3. n. 7.

n. 7. E contrà, quæ *Gratianus* citat dicta vel approbata à Pontificibus aut ab Ecclesia, habent auctoritatem. Hoc decretum habet tres partes. *In parte 1.* sunt distinctiones centum & una, quæ subdividuntur in suos Canones seu Capitula, & sic citantur, *C. Placuit*, 4. dist. 16., vel sic, dist. 16. *Placuit*, id est, Canone, qui incipit, *Placuit*, & est ordine quartus, in distinctione decima sexta. *In parte 2.* sunt 36. causæ, quæ habent suas quæstiones & Canones, sic autem citantur, *C. Conquestus* 8. 9. q. 3., id est, Canone, qui incipit, *Conquestus*, & est octavus in causa nona & in hujus causæ quæstione tertia. Quod si sit ex tractatu de pœnitentia, qui inseritur in causæ 33. quæstione 3., & habet septem distinctiones, citatio sic fit, *C. Pœnitentes*, 10., dist. 3. de Pœn. id est, Canone, qui incipit, *Pœnitentes*, & est decimus, in distinctione tertia de Pœnitentia. *In parte 3.* agitur de Consecratione per quinque distinctiones, quæ in suos Canones divisæ sunt, sicque fit citatio, *C. Relatum*, II. dist. 2. de Consecr., id est, Canone, qui incipit, *Relatum*, & est undecimus, in distinctione secunda de Consecratione. His subjungi solent quadraginta septem Canones Pœnitentiales, qui sic citantur, *Can. Pœn.*; Item octoginta quatuor Canones, quos Apostolicos vocant, dicunturque collecti per Clementem Papam, & sic citantur, *Can. Apost.*

Pars 2. Juris Canonici sunt libri quinque Decretalium, id est, Constitutiones & Epistolæ Pontificum jussu *Gregorii IX.* collectæ à *S. Raymundo de Pennafort* Ordinis *S. Dominici* circa annum 1234.; & habent suos titulos; hi autem sua Capitula, & sic citantur, *C. Damnamus*, de Summ. Trin., id est, Capite, quod incipit, *Damnamus*, in Titulo, de Summa Trinitate. Quandoque apponitur, *extra*, vel *x*, quo significatur, quod sit extra Decretum *Gratianus*;

Gratianus;

tiani; sed non est opus hoc addi, nam hoc ipso quod nihil addatur, intelligitur esse in libris Decretalium Greg. IX. Glossator Decretalium est *Bernardus Parmensis*. Materiam singulorum librorum continentur hoc versu, *Iudex. Iudicium. Clerus. Sponsalia. Crimen.*

Pars 3. Est liber sextus Decretalium, Auctoritate *Bonifacii VIII.* compilatus à *Guilielmo Ebrudunensi, Berengario Biterrensi & Richardo Senensi* circa annum 1297., qui dividitur in alios quinque libros respondentes quinque libris Decretalium. Libri illi dividuntur in suos titulos & capitula, fit autem citatio, addendo, in 6., v. g., *C. Ut super* de appel. in 6., id est, Capite, quod incipit, *Ut super*, & est quartum, in Titulo, de Appellationibus, in libro sexto Decretalium. Glossator hujus libri est *Ioannes Andrea Bononiensis, Jurisc.*

Pars 4. Sunt Clementinæ, id est, Constitutiones partim editæ à *Clemente V.* in Concilio Viennensi, partim ejus jussu collectæ, & post ejus mortem promulgatæ à *Ioanne XXII.* circa annum 1317., & dividuntur in 5. libros, hi in titulos & Capitula, fit autem citatio tantum addendo *Clement.*, v. g., *C. Sicut*, de Appell., *Clement.*, id est, Capite, quod incipit, *Sicut* in Titulo de Appellatione, in Clementinis: vel sic, *Clement. un. de rer. permut.*, id est, in Constitutione Clementina unica, Titulo, de rerum permutatione, & dicitur, unica, quia titulus ille habet unicum Capitulum. Quod si Capitulum sic passim notum, omisso titulo dicitur, *Clement. Exivi*, id est, in Clementina, quæ incipit, *Exivi*: quandoque etiam sic, *Clem. V. Extrav. Exivi*, id est, *Clemens V.* in Extravagante, quæ incipit, *Exivi*. Glossator est idem *Io. Andrea.*

Pars 5. Sunt Extravagantes Joannis XXII, id est, viginti

viginti Constitutiones editæ à Joanne XXII, quæ dicuntur Extravagantes, quia vagantur per varias materias, ultra illas, quæ in libris decretalium habentur; citantur autem addito nomine hujus Papæ, v. g. Extrav. *Execrabilis*, Joan. XXII., id est, in Extravagante Joannis XXII, quæ incipit, *Execrabilis*. Glossator est *Zenzelinus de Casanis*.

Pars 6. Sunt Extravagantes communes, id est, Constitutiones, quæ post priora omnia emanarunt à diversis Pontificibus, & dividuntur in 5. libros, hñ in titulos, & capita, sicque citantur, Extrav. *Vnigenitus*, de pœn. & remis, id est, Extravagante, quæ incipit, *Vnigenitus*, in Titulo de pœnitentiis & remissionibus. Glossas addiderunt *Ioannes Monachus*, *Guilielmus de monte Lauduno* & *Ioannes Franciscus de Pavinis*.

Corpori Juris Canonici aliquando reperitur adjunctus liber septimus decretalium collectus à *Petro Matthæi* Juris-Consulto Lugdunensi, sed hic, prout nunc est editus, non est auctoritate publicâ in Corpus Juris Canonici receptus, licet habeat Constitutiones reipsa obligantes, quales sunt decreta & Canones posteriorum Conciliorum usque ad Tridentinum inclusivè: item constitutiones varias aliorum Pontificum: unde eò etiam potest referri totum *Bullarium*, id est, Volumina, quibus continentur Bullæ omnes Pontificum, quamvis vim legis non ideo habeant, nisi aliunde constet esse authenticas & originali suo conformes, uti rectè *Plettenb* in *Introd. ad Jus Canon.* c. 19. Notat autem *Fagn.* apud eundem *Plett.* c. 25. librum illum septimum auctoritate *Clementis VIII.* aliter editum, adhuc tamen suppressum, quominus publicetur. Citatio illius fit, uti libri 6. decretalium, loco illius, in 6., addendo in 7.

§. II. Per Jus Civile hic intelligitur jus Cæsari 379

K.k

um,

um, sive collectio legum, quibus omnes Imperio Romano subiecti diriguntur ad pacem, tranquillitatem aliaque commoda temporalia & publica. Cœptum est colligi in ordinem circa annum 528. tempore *Iustiniani* Imperatoris: dividitur autem ab aliquibus in tres partes; à quibusdam in quatuor; ab aliis commodius in quinque.

Pars 1. Sunt Institutiones *Iustiniani*, quæ sunt veluti elementa & compendium totius juris civilis, constantque libris quatuor in suos titulos & paragraphos distributis; & sic citantur, §. *feræ*, Inst. de rer. divis., id est, paragrapho, qui incipit, *feræ*, in Institutionibus, Titulo de rerum divisione.

Pars 2. Sunt 50. libri pandectarum à $\pi\alpha\nu$ totum & $\delta\epsilon\chi\omicron\mu\alpha\iota$ contineo, quia continent totum jus: aliter dicuntur Digestum seu libri Digestorum, collecti iussu *Iustiniani* per 37. Juris-peritos, quorum tandem sedecim labore triennali bis mille libros contraxerunt in illos quinquaginta. Primi 24 libri sunt Digestum vetus: Sequentes 14. dicuntur Infortiatum, non scitur autem satis origo vel significatio illius nominis, nisi quod *Phœbeus* §. 2. n. 7. dicat fortè ideo sic dici, quia continent leges circa testamenta & ultimas voluntates, quæ sunt *fortissima* & irrevocabiles. Reliqui dicuntur Digestum novum. Hi libri dividuntur in titulos; tituli in leges; leges, si magnæ sint, in paragraphos. Pro Digestis fit hoc signum, ff, debet autem esse π græcum, significans pandectas, quod π per celeritatem scribendi & abusum est conversum in ejusmodi duplex ff.; quandoque etiam ponitur D., id est, Digestum, quandoque DD. vel PP., id est, Digesta vel Pandectæ; unde citatio sic fit, L. *si quis vi*, §. *Differentia*, ff. de acq. poss., id est, Lege, quæ incipit, *si quis vi*, paragrapho illius legis, qui incipit, *differentia*, in Digestis, Titulo de acquirenda possessione.

Pars

Pars 3. est Codex novus (nam antehac fuit antiquus, dictus Justinianus, qui emendatus fuit) constans 12. libris in titulos & leges distributis, quorum tres posteriores quandoque separatim compinguntur & dicuntur Volumen. Et pro Codice fiunt citationes plerumque per majusculam litteram C. Porro primi 9. libri citantur sine addito; pro tribus ultimis additur numerus libri, ideoque si numerus non addatur, est ex novem primis libris, v g. *L. In testamento*, C. de testam., id est, Lege, quæ incipit, *In testamento*, in Codice, Titulo de testamentis. *L. Omnes profugi*, C. de agricolis. l. 11., id est, Lege, quæ incipit, *Omnes profugi*, in Codice, Titulo de agricolis, in libro undecimo Codicis.

Pars 4. Sunt Authenticæ seu Novellæ, ad quas pertinent, in primis Constitutiones 168 collectæ in 46. titulos in sua capita distributos; hi autem tituli rediguntur ad 9. Collationes. Accedunt *Iustiniani* Edicta tredecim, quæ etiam in sua capitula dividuntur: item Novellæ *Iustini*, Constitutiones *Leonis*, *Tiberii* & *Iustiniani*: item 113. Constitutiones *Leonis*, quas vocant correctorias Legum repurgationes: item variaz aliarum Constitutiones Imperatoriæ, quibus in recentibus impressionibus adduntur Canones Apostolorum. Citationes sic fiunt, C. *sed tamen*, Auth. seu Nov. 129., De Samaritis, Col. 9., id est, Capite, quod incipit, *sed tamen*, Authenticâ seu Novellâ 129., Titulo de Samaritis, collatione nonâ. Pro Edictis *Iustiniani* apponitur littera E & numerus Capituli; Pro Novellis *Iustini*, littera N. I.; Pro Novellis *Leonis*, N. L.; Pro Constitutionibus Imperatoriis, C. I. Reliqua vix citantur, vel exprimuntur longius.

Pars 5. Sunt feudorum consuetudines, quæ constant duobus libris in suos titulos ac paragraphos divisas: adjiciuntur Constitutiones quædam *Fri-*

derici II., Item Extravagantes: ac denique Liber de Pace. Citatio fit hoc modo; F. vel Feud., de prohib. feud. alien. per Frid., §. *Calidis insuper*, id est, in libris Feudorum, Titulo de prohibita feudi alienatione, per Fridericum, paragrapho, qui incipit, *Calidis insuper*. Reliqua longius citantur.

Quomodo Leges Juris Civilis quandoque discrepent & sæpe corrigantur à Jure Canonico, videri potest apud *Plett.* à c. 6. usque ad II., In quibus autem absolutè sequendum sit Canonicum præ Civili, notat *Engel* in præm. ad Colleg. Juris Can. n. 19. Denique quomodo variæ Leges, quæ sibi contrariæ videntur, explicari debeant & ad consensum adduci, ostendit *Feneck* in Additamento post Flores casuum editos Colonia anno 1692.



INDEX